



Inatsisartuni ilaasortaq Doris Jakobsen  
Inatsisartut  
Postboks 1060  
3900 Nuuk

### § 37, imm. 1 napertorlugu apeqqutip nr 2011/174-ip akineqarnera

Asasara Doris Jakobsen,

Issittoq pillugu Iliuusissaq iliuusissallu immi malitseqartinnissaa pillugit Naalakkersuisunut apeqquteqarputit.

Issittoq pillugu Iliuusissaq Naalagaaffeqatigiinnermi peqataasut pingasuusut suleqatigiinnerisigut pilertiartorpoq. Iliuusissaq pillugu peqataasut akornanni isumaqatigiinniarnerni isumaqatigineqarpoq iliuusissamik piviusunngortitsinissaq tassungalu atasumik aningaasaqarneq pissusiviusut tunngavigalugit aatsaat oqallisigineqarsinnaassammata iliuusissarpiaq pillugu isumaqatigiittoqareerpat.

Isumaqatigiinniarneq ukiup ataatsip missaani ingerlareersoq iliuusissaq maanna naammassineqarpoq, soorluttaaq iliuusissami kapitalimi kingullermi takuneqarsinnaasoq aqutsisoqatigiinnik pilersitsisoqartussaavoq iliuusissap immi malitseqartinnissaanik piviusunngortinneqarnissaanillu suliaqartussamik. Iliuusissami Naalakkersuisut, savalimmiuni naalakkersuisut imaluunniit danskit naalakkersuisui aalajangersimasumik aningaasaliissuteqarnissamik pisussaaffilerneqarsimannngillat. Iliuusissaq piviusunngortinneqarpat aningaasartai aatsaat qiviarneqassapput. Kisiannili oqaatigineqassaaq SAR-imut tunngassuteqartut pillugit sulinermik aallartitsisoqareersimammat. Suliassanut nutaanut nukissat il.il. naleqqussarnissaat pillugit Naalakkersuisut danskillu naalakkersuisuisa akornanni oqaloqatigiinnermik aallartitsisoqareerpoq. Iliuusissami taaneqareersutut suliniutinik aallartitsisoqareerpoq, soorlu assersuutigalugu nunavissuit killigisaannut ilisimatusarnermi siunnersuutinik suliaqarnermi, tamannalu ingerlaannassaaq. Suleqatigiinneq Danmarkip , Kalaallit Nunaata nunallu allat issittumut annertuumik soqutigisaqartut akornanni aallartereersoq.

Issittoq pillugu Iliuusissaq naalakkersuisut tungaasigut suleqataaffigineqarpoq, Inatsisartullu Nunanut Allanut Sillimaniarnermullu Ataatsimiititaliaat iliuusissap isumaqatiginninniutigineqarnera sioqqullugu ilisimatinneqarsimavoq. Iliuusissaq kalaallinut tamanut saqqummiunnissaa eqqarsaatigaara, tassanilu soqutiginnittut tamarmik iliuusissaq pillugu erseqqinnerusumik paasisaqarnissaminut apeqquteqarnissaminnullu periarfissaqassapput.

Inussiarnersumik inuulluaqqusillunga

Sagsnr.  
Dok. Nr.  
21. september 2011  
Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.nanoq.gl

Kuupik Kleist